



Republika e Kosovës
Republika Kosova-Republic of Kosovo
Qeveria - Vlada - Government

Ministria e Administrimit të Pushtetit Lokal
Ministarstvo Administracije Lokalne Samouprave
Ministry of Local Government Administration

Fletë informative

Janar-Dhjetor 2016



Ministria e Administrimit të Pushtetit Lokal
Janar, 2017



Përmbajtja

Hyrje	3
Zhvillimi dhe Zbatimi i Legjislacionit	4
Zhvillimi i politikave nga fusha e vetëqeverisjes lokale	5
Koordinimi institucional dhe promovimi ndërkombëtar i vetëqeverisjes lokale	6
Agjenda evropiane	7
Vlerësimet pozitive për punën e MAPL-së	8
Ngritja e kapaciteteve institucionale të komunave	8
Investimet kapitale në komuna	9
Performanca Komunale	10
Promovimi i të drejtave të njeriut në Komuna	10



Hyrje

Ministria e Administrimit të Pushtetit Lokal – MAPL, në përputhje me mandatin e saj ligjor dhe konform planit vjetor të punës për vitin 2016, si dhe objektivave të Strategjisë për Vetëqeverisje Lokale 2016 – 2016, ka vazhduar mbështetjen e komunave përmes zhvillimit të politikave të vetëqeverisjes lokale, zhvillimit dhe zbatimit të legjislacionit për vetëqeverisje lokale, përkrahjes së komunave në zbatimin e projekteve infrastrukturore, zhvillimit të kapaciteteve të burimeve njerëzore, promovimit të transparencës, adresimit të obligimeve nga agjenda evropiane dhe koordinimit ndërinstitucional.

Me qëllim të informimit sa më të mirë të opinionit publik dhe grupeve të interesit mbi përmbledhjen aktiviteteve të MAPL-së të realizuara gjatë vitit 2016, është hartuar Fleta Informative Vjetore. Përmes saj janë shpalosur aktivitetet e kryera gjatë vitit 2016, në bashkëpunim me akterët komunal, ministritë e linjës, organizatat e shoqërisë civile, partnerët e MAPL-së, si dhe mediet.

Rëndësi e veçantë i është kushtuar: zhvillimit dhe zbatimit të legjislacionit për vetëqeverisje lokale, konsultimeve dhe shqyrtimit të akteve ligjore, monitorimit të komunave, pastaj zhvillimit të politikave nga fusha e vetëqeverisjes lokale, përfshirë këtu: hartimin dhe miratimin e rregulloreve që rregullojnë fushën e VQL-së, hartimin e dokumenteve analitike, raporteve, studimeve dhe hulumtimeve, si dhe hartimin e koncept dokumenteve që iu paraprinë politikave të VQL-së. I një rëndësie të veçantë kanë qenë edhe angazhimi për koordinimin institucional dhe promovimin ndërkombëtar të vetëqeverisjes lokale, përkatësisht koordinimi me donatorë, bashkëpunimi ndërkomunal dhe komunal ndërkombëtar, si dhe zhvillimi i mëtutjeshëm i tri programeve të bashkëpunimit ndërkufitar: Kosovë – Shqipëri, Kosovë – Maqedoni dhe Kosovë – Mal i Zi.


Po ashtu, agjenda evropiane ka qenë një ndër prioritet e MAPL-së gjatë vitit 2016 me ç'rast janë hartuar 38 plane individuale për komuna, analiza dhe raporte të ndryshme, si dhe monitorim të obligimeve të dala nga agjenda evropiane. Ngritja e kapaciteteve në komuna në vitin 2016 ka zënë një hapësirë të rëndësishme në planin e punës së MAPL-së. Gjithashtu, investimet kapitale nga fondet e MAPL-së dhe performanca komunale kanë qenë prioritet të theksuara.

Edhe promovimi i të drejtave të njeriut ka pasur një hapësirë të madhe gjatë vitit 2016 në shumë angazhime rreth grupeve punuese në hartimin e politikave të ndryshme mbi të drejtat e njeriut, përfshirë grupet e marginalizuara, personat me aftësi të kufizuara, komunitetet pakicë, etj. Në fushën e transparencës janë monitoruar faqet elektronike të komunave, janë postuar në vazhdimësi informata të ndryshme për publikun dhe janë ofruar informata mbi qasjen në dokumente publike.

Zhvillimi dhe Zbatimi i Legjislacionit

Gjatë periudhës Janar-Dhjetor 2016, MAPL ka realizuar një numër madh të aktiviteteve në fushën e zhvillimit të legjislacionit, përmes hartimit të akteve ligjore dhe nënligjore, si dhe dhënies së interpretimeve të caktuara për komunat me qëllim të zbatimit më të lehtë të legjislacionit në fuqi.

ZHVILLIMI DHE ZBATIMI I LEGJISLACIONIT



Tab.1. Të dhënat për aktivitetet në fushën e zhvillimit dhe zbatimit të legjislacionit

Në kuadër të Programit Legjislativ të Qeverisë së Republikës së Kosovës për vitin 2016, MAPL ka hartuar **Projektligjin për Kryeqytetin e Republikës së Kosovës/Prishtinën**, i cili është dërguar në MF për vlerësim të ndikimit financiar dhe MIE për deklaratë të përputhshmërisë. Edhe pse është planifikuar Projektligji për Ndryshimin dhe Plotësimin e Ligjit për Kufijtë Administrativ të Komunave, i njëjti është shtyrë deri në hartimin e koncept-dokumentit për kufijtë administrativ të komunave.




Foto 1. Gjatë procesit të draftimit të Ligjit për Kryeqytetin

Pjesë e punës ka qenë edhe informimi i vazhdueshëm i komunave për ndryshimet e legjislacionit në fuqi. Në këtë proces janë hartuar 17 shkresa për komunat lidhur me informimin e tyre për ndryshimet në legjislacionin qendror që prek fushat e caktuara të pushtetit lokal.

Në kuadër të konsultimit paraprak, të dhënat janë paraqitur në formë grafike si në vijim:


KONSULTIMI PARAPRAK



Tab.2. Të dhënat për aktivitetet e procesit të konsultimit paraprak

MAPL ka hartuar planin e vizitave në komuna dhe pyetësorin e integruar me të dhëna me qëllim të koordinimit më të mirë të sektorëve brenda MAPL-së dhe komunave. Bazuar në këtë plan janë monitoruar 38 komuna, për të cilat janë hartuar raportet e monitorimit. Përmes sistemit të teleprezencës, janë monitoruar gjithsej 328 mbledhje të kuvendeve të komunave.

Të dhënat nga procesi i mbikëqyrjes së komunave



Tab.3. Të dhënat nga procesi i mbikëqyrjes së komunave

- Komunat kanë miratuar 1690 akte.
- Prej tyre, MAPL ka dhënë 653 konfirmime të ligjshmërisë
- 1037 akte janë adresuar për vlerësim të ligjshmërisë në ministrinë e linjës. Nga këto të fundit 92 janë adresuar përmes komisioneve sektoriale
- Janë konstatuar 39 akte të kundërligjshme në 20 komuna, për të cilat janë paraqitur kërkesat për rishqyrtim.
- 17 akte të kundërligjshme janë harmonizuar sipas rekomandimit të autoritetit mbikëqyrës, ndërsa 22 nuk janë harmonizuar.
- Janë hartuar 22 raporte në lidhje me funksionimin e komunave gjatë vitit 2016

Zhvillimi i politikave nga fusha e vetëqeverisjes lokale

MAPL ka zbatuar aktivitetet e planifikuara në Strategjinë për Vetëqeverisje Lokale. Deri tani janë ndërmarrë një numër i veprimeve për harmonizimin e politikave zhvillimore me këtë strategji, duke përfshirë ndërlidhjen e saj me Kornizën Afatmesme të Shpenzimeve 2017-2019 dhe me Strategjinë për Zhvillim Kombëtar 2016-2021.

Janë botuar 500 ekzemplarë të Strategjisë për Vetëqeverisje Lokale, si dhe është hartuar Plani promovues në përfshirje të institucioneve përgjegjëse për zbatimin saj. Me vendim të Qeverisë është themeluar Grupi Drejtues për zbatimin e SVL-së.

Janë organizuar 5 punëtori regionale për promovimin e Strategjisë për vetëqeverisje lokale si dhe janë mbajtur 2 takime me OSBE-në për rishikimin e planit të përbashkët për implementimin e Strategjisë për Vetëqeverisje Lokale. Strategjia është promovuar edhe në aktivitetin e përbashkët me Asociacionin e Komunave

**Strategjia për
vetëqeverisje lokale
2016-2026, e botuar
në 500 ekzemplarë**



përmes projektit "Java e Komunave".

Në kuadër të aktiviteteve për koordinim të brendshëm dhe të jashtëm, është hartuar Doracakun për Koordinim të politikave, me të cilin përcaktohen përgjegjësitë e njëjve në çështjet e lidhura me hartimin e politikave, planifikimin, organizimin, monitorimin dhe raportimin. Gjithashtu është duke u punuar në finalizimin e pyetësorit të integruar, me qëllim të marrjes së informatave nga fusha të ndryshme të funksionimit të komunave.

Në këtë periudhë është hartuar projekti ideor për krijimin e platformës softuerike për raportimin online të të dhënave, përmes së cilit synohet të avancohet procesi i menaxhimit të të dhënave edhe sa i përket vlerësimit të ligjshmërisë së akteve të komunave

• Raportimi në Qeveri •

- Janë hartuar 4 raporte të punës së MAPL-së;
- 2 raporte për zbatimin e vendimeve të Qeverisë;
- 1 raport për obligimet që dalin nga dokumentet strategjike dhe koncept-dokumentet;
- 2 raporte për zbatimin e Strategjisë për VQL;
- 4 analiza të zbatimit të planit të punës së MAPL-së.

• Aktet nënligjore të hartuara •

1 Rregullorja (QRK) Nr. 01/2016 për Shqyrtimin Administrativ të Akteve të Komunave - e miratuar në mbledhjen e 75 të Qeverisë së Republikës së Kosovës me Vendimin Nr. 02/75, datë 18.02.2016;

2 Udhëzimi Administrativ (MAPL) Nr. 01/2016 për procedurën e themelimit, organizimin dhe kompetencat e komiteve konsultative në komuna - i nënshkruar me datën 21 tetor 2016 nga Ministri i MAPL-së;

3 Rregullorja (MAPL) Nr.01/2016 për ndarjen e mjeteve financiare nga kategoria ekonomike subvencione dhe transfere - e nënshkruar me datën 31.10.2016 nga Ministri i MAPL-së;

4 Projekt-Rregullorja për Hartimin dhe Publikimin e Akteve të Komunës - Kjo rregullore është hartuar dhe ka kaluar të gjitha procedurat e konsultimit publik dhe paraprak. Është në pritje të harmonizimit me projektligjin për aktet normative.

5 Projekt-Rregullorja (MAPL) për Sistemin e Menaxhimit të Performances së Shërbimeve Komunale - Është në fazën e konsultimeve publike.

nga MAPL dhe ministrinë e linjës. Projekti është dorëzuar në organizatën vullnetare amerikane "Peace Corps in Kosovo", e cila ka aprovuar projektin dhe do të ofroj mbështetje përmes angazhimit të një eksperti vullnetar për programimin e kësaj platforme. Me qëllim të mbështetjes së komunave në implemmentimin e legjislacionit për nxitjen e bashkëpunimit ndërkomunal, MAPL ka hartuar Doracakun për Bashkëpunimi ndërkomunal dhe komunal ndërkombëtar.

Në fushën e zhvillimit ekonomik lokal, aktivitetet janë shtrirë në zhvillimin e dokumenteve dhe politikave të caktuara që kanë ndikim në këtë aspekt, si dhe përkrahjen e komunave në zhvillimin e projekteve të caktuara kapitale. Gjatë kësaj periudhe, është plotësuar granti i përgjithshëm i financimit për komunat që kanë popullsi nën 20 mijë banorë, me një grant shtesë prej 5 milion euro. Granti shtesë është përfshirë në qarkoret buxhetore për vitin 2017 dhe në projektligjin e buxhetit për vitin 2017.

Në procesin e zhvillimit të politikave nga fusha e vetëqeverisjes lokale, MAPL zhvilluar:

- Koncept-Dokumentin për menaxhimin e pronës komunale
- Koncept-Dokumentin për Akademinë për Vetëqeverisje Lokale (në proces të hartimit)
- Koncept-Dokumentin për Zhvillim Ekonomik-Lokal (i dorëzuar në SKQ)
- Koncept-Dokumentin për Zhvillimin Rajonal (Pas pranimit të opinionit nga Ministria e Financave do të dorëzohet në SQK (brenda muajit janar 2017).

Në përfshirje të institucioneve qendrore dhe lokale, organizatave ndërkombëtare, shoqërisë civile dhe medie, është mbajtur takimi për prezantimin e Analizës së të hyrave vetanake të komunave për 5 vitet e fundit. Gjithashtu është përgatitur Analiza e investimeve kapitale në komuna për periudhën 2011-2015 e cila është diskutuar me komuna, në konferencën e realizuar në muajin dhjetor.

Koordinimi institucional dhe promovimi ndërkombëtar i vetëqeverisjes lokale



Pamje nga takimi i përbashkët për planifikimin e aktiviteteve të vitit 2017

MAPL ka koordinuar aktivitetet brenda dhe jashtë institucionit me qëllim të arritjes së objektivave të përcaktuara. Rëndësi e veçantë i është dhënë hartimit të Planit Vjetor të Punës së MAPL-së për vitin 2016 dhe Planit të Punës së MAPL-së për Qeveri 2016. Bazuar në Planin e Veprimit të Strategjisë për Vetëqeverisjen Lokale, MAPL ka hartuar kornizën e planifikimit të aktiviteteve për vitin 2017

Në hapin e koordinimit ndërinstitucional, është ofruar mbështetje përmes konsultimit paraprak gjatë hartimit të politikave nga institucionet e tjera, duke siguruar përputhshmërinë e tyre me

legjislacionin për vetëqeverisje lokale. Koordinimi i aktiviteteve është bërë edhe me donatorë. Në muajin qershor, MAPL-ja ka marrë pjesë në takimin e parë të grupit sektorial të qeverisë me donatorët e vendit. Lidhur me këtë, gjatë kësaj periudhe janë mbajtur gjithsejt 24 me donatorë të ndryshëm që bashkëpunojnë me MAPL-në (GIZ, DEMOS, OSBE, KCSF, UNDP dhe AKK/KIE).

Në bashkëpunim me USAID-in janë caktuar temat e trajnimeve që do të mbështeten nga kjo organizatë dhe mbështetja për hartimin e Komentarit të Ligjit për Vetëqeverisjes Lokale. MAPL ka botuar dhe shpërndarë Profilin e komunave si dhe dokumentin e ka publikuar në ueb-faqen e saj. Gjithashtu, janë mbajtur 20 takime me partnerët/donatorët e tjerë (GIZ, DEMOS, OSBE, KCSF, UNDP dhe AKK/KIE) me qëllim të koordinimit të aktiviteteve për realizimin e planit të përbashkët për implementimin e Strategjisë së Vetëqeverisjes lokale, zbatimin e programit të trajnimeve për komunat, realizimin e Këshillimit të Përbashkët/Vizita Studimore me temë "Planet e integruara të komunave nga obligimet e agjendës evropiane 2016", zbatimin e planit të punës së MAPL-së për vitin 2016, si dhe organizimin e konferencave informuese në komuna lidhur me MSA-në dhe përfitimet e saj.



Profili i komunave TË REPUBLIKËS SË KOSOVËS



Dokumenti "Profilin e komunave të Republikës së Kosovës, botuar nga MAPL

Kujdes i veçantë i është kushtuar zhvillimit të programeve të bashkëpunimit ndërkufitar me tri vendet fqinje: Shqipërinë, Malin e Zi dhe Maqedoninë. Në këtë drejtim, është realizuar projekti strategjik në kuadër të Programit për bashkëpunim ndërkufitar Kosovë-Shqipëri, si dhe është kontraktuar kompania nga KE e cila do të bëjë mbikëqyrjen e punimeve. Sa i përket pjesës së financimit nga MAPL, është bërë përgatitja e elaboratit të shpronësimit dhe fillimi i procedurave të shpronësimit nga komuna e Dragashit. Në këtë drejtim është bërë kërkesa për marrjen e pëlqimit nga MMPH si dhe është hartuar Draft-Marrëveshja e Mirëkuptimit në mes të MAPL-së dhe Komunës së Dragashit për realizimin e pjesës së projektit që përfshinë ndërtimin e linjës së tensionit të lartë dhe ndriçimit solar në pikën kufitare Shishtavec. MAPL ka nënshkruar edhe kontratën me një kompani për zbatimin e projektit "Zhvillimi i Solucioneve të integruara të IT-se për komunat".



Agjenda evropiane

MAPL ka ndërmarrë veprime për koordinimin e aktiviteteve që kanë të bëjnë me përmbushjen e obligimeve që dalin nga procesi i integritetit evropian. Për të pasqyruar aktivitetet e komunave për vitin paraprak, është bërë hartimi i dokumenteve, si vijon: Raporti i Planit të Veprimit Komunal nga MSA, Janar-Dhjetor 2015, dhe Analiza e përmbushjes së obligimeve të komunave nga agjenda evropiane për periudhën Janar-Dhjetor 2015. Gjithashtu është bërë finalizimi i matricës gjithëpërfshirëse "Obligimet e Komunave nga agjenda evropiane për vitin 2016", të cilat burojnë nga Dialogu i Procesit të Stabilizimit Asociimit, Programi Kombëtar për MSA-në, sfidat nga Raporti i Vendit 2015, si dhe sfidat nga Raporti i tretë për Kosovën i Komisionit Evropian nga Udhërrëfyesi për Liberalizim të Vizave. Nga kjo matricë janë përgatitur Planet individuale të veprimit për 38 komuna. Për të informuar komunat në këtë proces, janë adresuar shkresat zyrtare për komunat të cilat nuk kanë përmbushur obligimet nga agjenda evropiane.

MAPL ka përgatitur tri raporte periodike, përkatësisht: raportin për tremujorin e parë, tremujorin e dytë dhe të tretë për vitin 2016 lidhur me përmbushjen e obligimeve të komunave nga Agjenda Evropiane, ndërsa në proces të hartimit është Raporti i Komunave nga obligimet e agjendës evropiane Janar - Dhjetor 2016. Krahas kësaj, është përgatitur analiza 6 mujore për përmbushjen e obligimeve nga agjenda evropiane për MAPL-në dhe analiza 6 mujore për përmbushjen e obligimeve të komunave nga agjenda evropiane për komuna.

Gjatë kësaj periudhë, është raportuar edhe për Programin Kombëtar për Zbatimin e MSA-së, si dhe raportet periodike për DPSA. Lidhur me koordinimin ndërinstitucional për procesin e integritetit evropian, janë mbajtur 67 takime të përbashkëta me MIE-në, Kolegjiumin për IE (AKK), institucionet e tjera qeveritare dhe joqeveritare. Në fund të muajit shtator është mbajtur takimi i Kolegjiumit të ZKIE-ve me AKK, ku kemi



diskutuar mbi raportet individuale të komunave nga agjenda evropiane dhe funksionimin e zyrtarëve për integritete evropiane në komuna.

Gjatë periudhës Janar – Shtator 2016 MAPL ka mbajtur:

- 5 punëtori regjionale me zyrtarë përkatës të komunave, duke përfshirë edhe zyrtarët komunal për integritete evropiane.
- Këshillimin 4 ditor me ZKIE-të në Shqipëri dhe Mal të Zi;
- Në bashkëpunim me UNDP-në është realizuar programi i trajnimit 5 ditor, për fushën e integriteteve evropiane për zyrtarët komunal për integritete evropiane dhe zyrtarët e MAPL-së;
- Në kuadër të agjendës evropiane, në bashkëpunim me MIE dhe GIZ, janë mbajtur konferenca informuese për MSA-në në nivelin lokal në 3 regjione (Prishtinë, Pejë dhe Ferizaj).
- Në bashkëpunim me UNDP-në është mbajtur punëtorja 5 ditore në Pejë, lidhur me organizimin dhe zbatimin e programit të trajnimit për ZKIE-të dhe Zyrtarët e MAPL-së për procesin e integritetit evropian, si dhe me GIZ-in është bërë realizimi i Konferencës Informuese për MSA-në, në Rajonin e Prishtinës, Pejës dhe të Ferizajt.

Në çështjet e koordinimit brenda MAPL-së për projekt-propozimet për IPA, MAPL ka dhënë 4 propozime në kuadër të "IPA indicative Multi Country Programme 2017". Propozimet e dhëna kanë të bëjnë me:

- 1) Funksionalizimin e Qendrave Rinore në Komuna;
- 2) Reformën e administratës komunale, përfshirë trajnimet speciale në ngritjen e nivelit të performancës komunale;
- 3) Fuqizimin e zyrtarëve komunal për integritete evropiane;
- 4) Mbështetje komunave për aplikim për leje mjedisore komunale.

Gjithashtu janë mbajtur takime të strukturave operative (JMC), si në vijim:

- 1) Takimi i parë i Komitetit të Përbashkët Drejtues për programin e IPA-së CBC ndërmjet Kosovës dhe Shqipërisë 2014-2020;
- 2) Takimi i gjashtë i mbajtur në Pejë i Komitetit të Përbashkët Drejtues për programin e IPA/CBC Mali i Zi – Kosovë;
- 3) Takimi i gjashtë i mbajtur në Podgoricë i Komitetit të Përbashkët Drejtues për programin e IPA/CBC Mali i Zi – Kosovë, përmbyllja e programit të 1 të thirrjes për propozime.

Po ashtu, gjatë kësaj periudhe MAPL ka marrë pjesë në takimin e parë të Komitetit të Përbashkët Drejtues të IPA II, programi i BNK-së Kosovë – Ish-Republika Jugosllave e Maqedonisë 2014-2020. Gjatë periudhës në fjalë MAPL ka qenë prezentë në 14 takime të tjera, për procesin e integritetit evropian dhe obligimet që dalin nga ky proces. Gjatë kësaj periudhe është ofruar kontribut profesional në dhënien e komenteve për 9 akte ligjore dhe nënligjore, koncepte dokumente.

• Për tu veçuar •

- 1 Janë hartuar 38 plane individuale për komuna;
- 2 Vendosja e sistemit të monitorimit të implementimit të obligimeve të agjendës evropiane nga komunat, ku përshihen të gjitha detyrimet nga agjenda evropiane, si: procesi i stabilizimit asociimit, procesi i dialogut të liberalizimit të vizave, si dhe adresimin e sfidave nga raporti i vendit;
- 3 Sistemi i raportimit tremujor i monitorimit ka dhënë rezultatet e vetë në kuadër të përmbushjes së detyrimeve nga agjenda evropiane;
- 4 Janë mbajtur 3 konferenca informuese për komunat;
- 5 Është siguruar zbatim i të gjitha obligimeve nga procesi i liberalizimit të vizave nga komunat;
- 6 MAPL ka marrë notë pozitive nga Komisioni Evropian për koordinimin e proceseve me komunat në zbatimin e obligimeve nga kjo fushë.

Ngritja e kapaciteteve institucionale të komunave



Trajnimet me zyrtarët komunal në fushën e integritimeve evropiane dhe për bashkëpunim ndërkomunal

MAPL ka hartuar Planet për ngritje të kapaciteteve të komunave, për të mbështetur dhe ndikuar në zhvillimin e segmenteve të ndryshme të veprimtarisë komunale.

Në bashkëpunim me IKAP-in, janë 146 trajnime, në të cilat janë trajnuar 2338 zyrtarë komunal. Trajnimet për zyrtarët e komunave janë ofruar edhe në bashkëpunim me partnerët ndërkombëtar. Në bashkëpunim me OSBE-në, MAPL ka realizuar 16 trajnime fillestare për ish-pjesëtarët e mbrojtjes civile, në të cilat janë trajnuar 378 zyrtarë të komunave.

Janë përgatitur dokumentet informuese, të cilat janë publikuar në ueb faqen e MAPL-së, si vijon: 1) Broshura për kapacitetet e komunave; 2) Broshura informuese për Divizionin për Ngritje të Kapaciteteve; si dhe 3) Informatori për përfitimet e trajnimeve.

Në bashkëpunim me DEMOS/Helvetas, është realizuar këshillimi i përbashkët dhe vizita studimore në Shqipëri dhe Mal të Zi, me zyrtarët komunal për integritime evropiane. Projekti është titulluar "Roli i komunave në procesin e integritimit Evropian", me ç' rast zyrtarët për integritime evropiane të komunave kanë përfituar njohuri rreth praktikave të këtyre vendeve në procesin e integritimit evropian. Krahës kësaj, në bashkëpunim me UNDP-në, është përgatitur programi i trajnimit për fushën e integritimeve evropiane për zyrtarët komunal për integritime evropiane dhe zyrtarët e MAPL-së. Gjatë kësaj periudhe janë realizuar 7 punëtori me komunat për transparencën komunale, raportimet buxhetore, planifikimet e investimeve, sistematizimin e vendeve të punës dhe menaxhimin e projekteve.

Pas miratimit të pakos ligjore për të drejtat e njeriut, MAPL ka aplikuar në programin e TAIEX, i cili është pranuar nga Zyra

e Komisionit Evropian në Kosovë dhe pritet që gjatë periudhave raportuese të vazhdohet me procedurat e tjera.

Në lidhje me investimet kapitale në komuna, ka përfunduar projektet si në vijim:

- 1) Projekti për renovimin e Shtëpisë së Kulturës në Komunën e Klllokotit.
- 2) Renovimi i Shtëpisë së Kulturës në Xërcë në Komunën e Rahovecit, dhe
- 3) Renovimi i objektit kulturor për ekspozitë në Komunën e Mitrovicës Veriore.



Info në numër

146 trajnime të mbajtura

2338 zyrtar të trajnuar

Investimet kapitale në komuna

MAPL ka dhënë mbështetje të madhe në mbështetjen e projekteve të ndryshme kapitale të komunave. Gjatë kësaj periudhe janë aprovuar 44 projekte për 31 komuna, vlera e të cilave ka kap shumën prej 3,499,815.00€.


Nga këto, kanë përfunduar 41 projekte, kurse në proces të përfundimit pas bartjes në vitin 2017 janë 3 projekte.

Nga fondet e BE-së (IPA I faza e VII) të gjitha projektet kane përfunduar (është bërë pranimi teknik), në vlerë prej 15.3 milion€. Në këtë periudhë është përgatitur edhe drafti final i realizimit të projekteve për vitin 2015.

Po ashtu ka rifilluar ndërtimi i objekteve komunale të mbetura nga IPA-faza e IV dhe V. Objektet nga IPA 1 Faza e VI kanë përfunduar të gjitha, përveç një objekti në Komunën e Graçanicës.

MAPL ka financuar edhe 17 projekte të organizatave joqeveritare në vlerën prej 203,643.00 euro, për zbatimin e objektivave të SVQL.

Investimet kapitale në komuna nga fondet e MAPL-së, 2016



Disa nga projektet e financuara nga MAPL

Komuna e Lipjanit

Projekti: Rregullimi i shtratit të lumit në fshatin Gadime

Kontrata: 98,171.44 €

Bashkëfinancim me komunën

MAPL: 70,000.00 €

Komuna: 28,171.44 €



Komuna e Graçanicës

Projekti: Rekonstruimi dhe asfaltimi i rrugës prej Suvi Dollit deri te Lagja e Re

Financuar nga MAPL

Kontrata: 207,948.27 €



Komuna e Rahovecit

Projekti: Ndërtimi i shtëpisë së kulturës në fshatin Xërxë (faza e dytë)

Kontrata : 124,062.60 €

Bashkëfinancim me komunën

MAPL: 100,000.00 €

Komuna: 24,062.60 €



Komuna e Obiliqit

Projekti: Rrethrotullimi, trotuari dhe ndriçimi në rrugën Obiliq-Prishtinë

Kontrata: 182,058.96 €

Bashkëfinancim me komunën

MAPL: 98,000.00 €

Komuna: 84,058.96 €



Performanca Komunale




1 Në periudhën gjatë vitit 2016 është bërë rishikimi i sistemit ekzistues për matjen e performancës së shërbimeve komunale. Janë rishikuar 14 fusha të shërbimeve nga të cilat do arrihen 25 rezultatet, me 66 tregues nëpërmjet 183 të dhënave të ndryshme; 50 takime të mbajura (përfshirë takimet me kryetarë, ekspertë, përfaqësues të institucioneve vendore dhe ndërkombëtare).

2 Është zhvilluar dhe integruar sistemi elektronik për matjen e performancës komunale përfshirë: intranetin, sistemin e manxhimit të performancës dhe sistemin e teleprezencës;

3 Janë trajnuar 600 zyrtarë për menaxhimin e sistemit;

4 Është realizuar pilotimi i Sistemit për Menaxhimin e Performancës së Shërbimeve Komunale;

5 Është hartuar draft-rregullorja për menaxhimin e sistemit të performancës komunale.



Rishikimi i indikatorëve të performancës komunale

Promovimi i të drejtave të njeriut në Komuna

Gjatë periudhës Janar-Shtator 2016, MAPL është përfaqësuar në grupet punuese për hartimin e politikave, strategjive dhe hartimin e legjislacionit në fushën e të drejtave të njeriut. MAPL ka zhvilluar edhe indikatorët e performancës në fushën e të drejtave të njeriut, të drejtat familjare dhe sociale.

Sipas agjendës së përbashkët me TAEX-in, janë hartuar dy projekt-propozimeve për TAEX, për personat me aftësi të kufizuara, përkatësisht:

- Qasja bazuar në të drejta, dhe
- Mbrojtja dhe respektimi i të drejtave të personave me aftësi të kufizuara.

MAPL ka ofruar kontributin në zhvillimin e 12 dokumenteve strategjike dhe legjislacionit në fushën e të drejtave të njeriut.

MAPL ka qenë pjesë në shtyllën e Parandalimit sipas Strategjisë nacionale kundër trafikimit me njerëz, në këtë rast MAPL ka plotësuar draftin final të raportit të Gretas. Gjatë kësaj periudhe MAPL është angazhuar në organizimin e kampanjës vetëdijesuese kundër

trafikimit me njerëz. Gjithashtu janë monitoruar 38 komuna për zbatimin e kornizës ligjore për të drejtat e fëmijëve. Sa i përket personave me aftësi të kufizuara, MAPL ka financuar shoqatën e të verbërve të Kosovës për projektin "E drejta për qasje të lirë, semaforët akustik", i cili është implementuar në Komunën e Mitrovicës, Prizrenit dhe Pejës. Në këtë drejtim brenda MAPL-së janë angazhuar 6 persona me aftësi të kufizuara për 5 ditë për ofrim të shërbimeve. Për më tepër, është bërë informimi i komunave lidhur obligimet që dalin nga Strategjia dhe Planit të Veprimit për përfshirjen e komuniteteve Rom, Ashkali dhe Egjiptian. Për këtë qëllim janë realizuar vizita në të gjitha komunat, përjashtimisht në: Mitrovicën Veriore, Zubin Potok, Leposaviq dhe Zveçan. Në kuadër të vizitave komunat janë grumbulluar të dhënat lidhur me zbatimin e Ligjit për përdorimin e gjuhëve. Krahas tyre, MAPL ka hartuar 19 raporte të ndryshme në fushën e të drejtave të njeriut, përfshirë: barazinë gjinore, funksionimin e NJDNJK-ve në komuna, kundërtrafikim, të drejtat e komuniteteve, përdorim të gjuhëve, të drejtat e fëmijëve, etj.

Transparenca

Gjatë periudhës në fjalë, ka vazhduar monitorimi i faqeve zyrtare elektronike të komunave. Monitorimi është fokusuar në publikimin e rregulloreve, vendimeve, njoftimeve për mbledhjet e kuvendeve komunale, njoftimeve për debatet publike me qytetarë, publikimin e procesverbaleve të mbledhjeve të kuvendeve të komunave, funksionimin e linkut për qasje në dokumente publike, publikimin e dokumenteve financiare, si dhe publikimin e dokumenteve në gjuhët zyrtare.

Gjatë kësaj periudhe janë mbajtur 19 punëtori me komunitatet me përfshirje të shoqërisë civile, lidhur me aktivitetet e kësaj fushe. Janë hartuar 6 raporte, snërsa, për të adresuar veprimet që

ndikojnë në përmirësimin e transparencës komunale, në komuna është dërguar Shkresa Rekomanduese lidhur me progresin e planit të veprimit për transparencë.

Gjatë kësaj periudhe në faqen zyrtare elektronike janë postuar gjithsej 211 informata përfshirë këtu informata nga aktivitete ditore të Ministrisë, vendime, raporte financiare, dokumente strategjike, raporte për procesin e integritetit evropian, thirrje për propozime, dhe dokumente të tjera.

Po ashtu në media janë publikuar 31 informata dhe 27 përgjigje për tema të caktuara të kërkuara nga gazetarët. Në kuadër të ngritjes së transparencës në Komuna ka vazhduar projekti për dizajnimin e ueb-faqeve të komunave dhe transmetimin on-line të mbledhjeve të Kuvendeve të Komunave



Vlerësimet pozitive për punën e MAPL-së



Ndër pikat kyçe të vlerësuara pozitivisht në raportin e KE-së për Kosovën, është evidentuar progresi i punës së MAPL-së, përkatësisht:

- Integrimi i komunave veriore dhe avancimi i marrëdhënieve ndërmjet nivelit qendror dhe lokal të qeverisjes;
- Ligjshmëria e veprimeve të komunave;
- Implementimi i obligimeve nga agjendës evropiane.

Sipas raportit thuhet se "Është bërë progres në qeverisjen lokale e veçanërisht në marrëdhëniet ndërmjet qeverisë Qendrore dhe Lokale, duke përfshirë edhe komunat e veriut me shumicë serbe. Ka pasur përmirësim të mëtijshëm edhe sa i përket përputhshmërisë ligjore me ligjin për vetëqeverisjen lokale. Ministria e Administrimit të Pushtetit Lokal ka udhëhequr hartimin dhe implementimin e planeve komunale në lidhje me obligimet e lidhura me BE-në për 38 komuna". Gjithashtu, vlerësimin pozitiv si njëri nga institucionet qendrore që më së miri e ka të organizuar zyrën e arkivit e ka marrë nga Agjencia Shtetërore të Arkivave të Kosovës, thuhet se "MAPL është një ndër institucionet që më së miri e ka të rregulluar dhe të klasifikuar materialin regjistraturik".